

deur esmerueillable, d'aültât qu'il estoit capable a tenir cent no-
nante mille personnes, qui toutes voyoyent fort a leur ayse les
spectacles, que les Romains y faisoient dedans .

Estant passè de l'aültre costè il verra l'arc de Constantin, qui
est encore beau a veoir: & la auprès dans le Jardin des Moynes
de s. Marie la Neufue, les vestiges du tēple de Serapis. Et passant
plus oultre il trouuerra l'arc de Vespasian, qui luy fut dressè lors,
qu'il retourna triomphant de Hierusalem .

*Du Temple de la Paix, du Mont Palatinus, maintenant
dict Palais Maieur, & d'aültres choses notables.*

PLus auant il verra le temple de la Paix, quasi tout destruiët,
& vis a vis le mont Palatinus, a present dict palais Maieur,
ou est la belle, & delitieuse vigne des Seigneurs Farneses .

Auprès du temple de la Paix, estoit celuy de Romulus, qui a
estè consacré a s. Cosme, & Damian, contre lequel est le temple
de M. Aurelle, & Faustine sa femme, & fille de Diuus Antonius
Pius, le palais duquel est derriere le temple .

A l'encontre il y auoit vn tresbeau temple dediè a la deesse
Venus, qui a present est consacré a s. Marie de deliurance des
peines de l'Enfer .

Les trois colonnes, que l'on void encor'en pied au milieu de
la place Romaine, soustenoient, a ce que l'on dict, vn pont, ou
galerie qui passoit du Capitole au palais Maieur par là dict on
qu'estoit le lac de Curtius .

Et puis l'Eglise qui a des portes de Bronze auprès de l'arc de
Septimius estoit, a ce que l'on dict, le temple de Saturne, & l'æ-
rarium du peuple Romain, & a present est dediè a s. Adrian.

L'arc cy dessus mentionè est fort beau, & estoit cil de Lucius
Septimius Seuerus, de l'aültre costè duquel estoit le temple de la
Concorde, ou se voyent encor trois colonnes .

Du Capitole, & d'aültres remarques .

CE fait il arriuera au Capitole, appellè anciennement Mons
Tarpeius, aux pieds, duquel estoit le temple de Iuppiter.
Iceluy ayant estè vne fois bruslè ne fut iamais plus restau-
rè, & n'en demeura que la place .

Auprès d'iceluy estoit aussy le tēple de Ceres . Sur la place du
Capitole on void a present en bronze le statue de Marc Aurelle
a cheual .